

Khristian Tangkou |

35. Niengnou, Tangpijol -----	Rs.	10
36. Niennu, Tangpijol-----	Rs.	10
37. Khaidou, S. Munpi-----	Rs.	100
38. Chingneinieng, PN Khowong -----	Rs.	30
39. Neipi, PN. Khowong -----	Rs.	20
40. Manhoi, Zomi Colony-----	Rs.	100
41. Sye Suonnou, T. Munnuam -----	Rs.	100
42. Manglienching, Central Church-----	Rs.	140
43. L. Hoinu, Lailamveng -----	Rs.	500
44. Khupmuanlian, Lailamveng -----	Rs.	100
45. Vungkhanching, Vungkhanching -----	Rs.	100
46. Langsuanvung, Lailamveng -----	Rs.	50
47. Nienvung, Lailamveng-----	Rs.	100
48. Mangsuanniang Muallum -----	Rs.	50
49. Thangngainieng, Sangaikot -----	Rs.	20
50. Thienkim, Thingkangphai-----	Rs.	50
51. Lienzakim, Tuining -----	Rs.	20
52. Mannu, Maukot -----	Rs.	20
53. Chingbawi, Singngat -----	Rs.	100
54. Ginchiin, Central Church-----	Rs.	50
55. Hatnu, Thingkangphai-----	Rs.	20
56. Nienlamching, Thingkangphai-----	Rs.	20
57. Mangkangaiching, Central Church -----	Rs.	100
58. Manhoichiin, Singngat -----	Rs.	10
59. Lamniang, Tangpijol -----	Rs.	100
60. Zahat, Zion veng -----	Rs.	50
61. Chingbawi, Tangpijol -----	Rs.	50
62. Niengbawi, T. Zion-----	Rs.	50
63. Lamnu, Tangpijol -----	Rs.	10
64. Luanvung, Tangpijol -----	Rs.	20
65. Chingzaniang, Tangpijol-----	Rs.	10
66. Chiching, Zion Veng-----	Rs.	50
67. Thangmuankim, Tangpijol-----	Rs.	10
68. Chingneilam, T. Munnuam -----	Rs.	50
69. Mankhanniang, Tangpijol -----	Rs.	50
70. Chingngainem, Maukot -----	Rs.	10

Editorial

Kum 2000 phiel ana peita, tukum 2014 April hasung a I Mangpa Jesu Khrist Jerusalem a, guolzou leh pahtawi a aumna eite Eden tulsa guobang hinkiana ding a gimthuohna simmawna, bawlsietna, engbawlna chinteng thuoh a, a sisan a hing tan Kros a shitan thuoh a guolzou leh hinna nei a thoukia dinga hing bawlta, thokiana makai I Mangpa Jesu Khrist min in chibai.

Palm Sunday, Good Friday, Easter Sunday leitung buppi huopa, gingtu kipawlkhawm ten tami hun khu poimawtah a jang chiet ngei ding uhi. Tuamabangin, eipawlpiten zong ajah chiet ngei ding ua, kising sa chiet a jangchiet ding uh ilam en uhi. Tamlou houlim lei i ut uhi.

1. Palm Sunday (Tumnani):

Mt. 21:1-11; Mark 11:1-11; Luk 19:28-36; Jn. 12:12-21. Aw Zion tanu nasatah in nuom in Jerusalem tanu aw ngaitah a kikou in, en in na Leengpa hingpei, ama khu adih a, hundamna zong anei, kingainiemtahin sabil tung nou tunga tuong in hing pei achi hi. Zekaria 9:9 Mipi amalam apeite leh anualam a zuiten ‘Hossana’ Mangpa min a hing pei khu ahampha hi. Mangpa min a hing tung ding i Pu David Lalgam khu a hampha hi. Tungnung pen ah ‘Hossana’ chiin Israelte kumpipa hing pei ahampha hi. Hossana chin a kikou uhi. (Mak: 19:9).

2. Good Friday khu ikhelvang a alungthahna atapa I Mangpa Jesu Khrist kunga asun buohna ni ahi. Eden hankhuh mieluoi a mihing hagau huhdohna ni ahi. Khross atatna, Sisan man vang in kumtawn hinna gingtate dingin ingata uhi. Tua Khros ah damna a um a, Kumtawn damna, hinna, tuinah zong ahi. Tua Khros sisan

Khristian Tangkou |

luong in i khielna zousie atan khia/ngaidam hi.


3. Easter Sunday Han apata thokina ni loupi ahi. Thuhuntha sunga thokiana 104 vei akigen hi. Tam thawkiana pen gingtute a dinga thugin kingahna suongphum ahi. Thokiana masa a Han hong masa, thokiana makaitu zong ahi. I Kor. 15: 20. I Mangpa Jesu Khrist thoukia lou hitaleh ginna bangma lou a suoh dinga khelnate a um den dinga, ashi zousie a beimang ding a, tunung a kinepna neilou isuoh ding uhi. Thokina khu shiden lou a, hinna kumtawn kumtawn a ding ahi.

Thoukia ahi a kichetnate:

- i) Jesu Magdala kung ah : Jn. 20:17
- ii) Jesu kihil numei kung ah : Mak: 16:1-3
- iii) Jesu Peter kung a kihil : Mk. 16:7; Luk 24:34
- iv) Nuazui Emmau lampi a peite kung : Luk 24:16
- v) Nuazui 11te kung a : Lk. 24:33; Nas. 1:23-26
- vi) Nuazui thoma kunga Inndan tung ah : Jn. 20:25-28
- vii) Nuazuite kung Teberia Dil pang ah : Jn. 21:1
- viii) Nuazui 11 te kung Galili muoltung ah : Mt. 28:16
- ix) Mi 500te kung a kihil : IKor. 15:6
- x) Nuazui 11 te kung Bethany ah : Lk. 24: 36-51

Thukhumsin:

Tam atunga hun poimaw thumte i et chieng in I Mangpan nikhat maimai pahtoina anga giap hi. Adang zousie, simmaw genthei, thuohna, lungkhamna, muolphouna Khross a shitan athuoh a, shina tung guolzoupa leh thoukia nangleh kei damna leh kumtawn hinna ding ahi. Bang bang e na pieh thuh thei ding, bang na seppi leh koppi dingte sem suo dingin kimanjing in, itna nasep zieh atam bang lungsietna itan ahi theisiem vai lawm aw!.



| Khristian Tangkou

a Tunnu Liimbrel a ding Ginna thuchiem hing peteng tam anei a fbang ahia, Khatvei suoh a hing kisuo kim zoulou ding ahiziehin a next issue te ah aban ban in hing kisuo touzel ding ahi chi zong iki theisah sawnsawn hi.

- | | |
|---------------------------------------|-----------|
| 1. Rev. Kamkhosoi, Zomi Colony ----- | Rs. 200 |
| 2. Kimbawi, Lailamveng ----- | Rs. 20 |
| 3. Dalhang, New Lamka, Vengnuam ----- | Rs. 1,000 |
| 4. Chingneikim, Zoveng ----- | Rs. 200 |
| 5. Dimkhochiin, Zomi Colony ----- | Rs. 500 |
| 6. Dimneiching, Zoveng ----- | Rs. 300 |
| 7. Tingzavah, Tuibuong ----- | Rs. 100 |
| 8. Chongzakim, Lailamveng ----- | Rs. 100 |
| 9. Pumlianhai, Singngat ----- | Rs. 100 |
| 10. T. Lamneilun, Tangpijol----- | Rs. 20 |
| 11. Mansuanniang, Lailamveng----- | Rs. 100 |
| 12. Upa Ginzadong, Zoukhonuam----- | Rs. 50 |
| 13. Upa Khupsuanpau, Muvanlai----- | Rs. 20 |
| 14. Veikhnotin, Hiangzou ----- | Rs. 50 |
| 15. Niengneivung, Hiangzou----- | Rs. 50 |
| 16. Deborah Zou, Lailamveng ----- | Rs. 100 |
| 17. Manniangngai, Lailamveng ----- | Rs. 100 |
| 18. Chiinsuonniang, Lailamveng----- | Rs. 100 |
| 19. Kimngaidim, Lailamveng----- | Rs. 50 |
| 20. Manneikim, Zomi Colony----- | Rs. 100 |
| 21. Manneilam, Singngat----- | Rs. 20 |
| 22. Khawlneiching, Sangaikot ----- | Rs. 20 |
| 23. Chingzahat, Tangpijol----- | Rs. 20 |
| 24. Ngaizaniang, T. Daijang ----- | Rs. 20 |
| 25. Maman, Zomi Colony----- | Rs. 100 |
| 26. Chinghat, Muallum ----- | Rs. 100 |
| 27. Mandeiching, Central Church ----- | Rs. 500 |
| 28. L. Paubawi, S. Vengnuam----- | Rs. 49 |
| 29. Chiinsianngai, Lailamveng----- | Rs. 50 |
| 30. Hatzanieng, Central Church----- | Rs. 100 |
| 31. Donnieng, Tongdam ----- | Rs. 50 |
| 32. Hoineu, Zomi Colony ----- | Rs. 100 |
| 33. Kapchinkhup, Tangpijol ----- | Rs. 50 |
| 34. Niengneisiem, Likhai ----- | Rs. 10 |

kisala ua, leitung silte ziehin i lungkham un i lungbuoi mathei uhi. Hinanleh heimun pou ah, bang chihlai pou in Jesu Kshrist khu eite toh aumkhawm zing a, ibuoinate, idanate, ikipahnate, i hamphatnate akunga ihil leh aman ahing houpi ding a, ahing hamuon ding hi.

Jesu khu a thawkia bang in eiten zong Hagau shina apat hinna ahing peta a, itahsa ngei zong shi nanleh hinna nei a thoukia ding

ihi uhi.

Jesu Khrist khu bawlsiet in a um a, ashi a, thoukiata ahiman in ei Ama gingtute a dingin lungkham a lungbuoina ding umlou hi. Jesun “Kei hinna tanghou khu kahi, koipou ka kung a hing pei a gilkiel ngaisih ding a tualeh koipou kei hing gingta khu a dangtah ngaisih ding hi” achi hi (Jn. 6:35).
Mangpa’ n simtu zousie hing guoljawl chiet tahan. Amen.

ZPWF COLUMN

1st March to 27th March 2014 sung a Tunnu Liimbrel panpina hing pete tam anei a bang ahi.

1. Pa H. Kapneithang, Central Church	:	2,150
2. Nu Flora Hatnu, UK.	:	45,500
3. Nu Chingzavung, Zoumunnuam	:	130
4. ZPWF Seminar Tunnu Liimbrel tholawm	:	4,137
5. ZPWF Seminar Pledge Card a kimu	:	18,077
6. Nh. Hoipi, Tuibuong	:	700
7. Nu Chingneikim, Zoveng	:	200
8. Pa Kamgenpau, Lailamveng	:	200
9. David Pautungtuong	:	8 pencil + 8 Eraser+ 8 Sharpener
10. LDCC Hiangzhou	:	Anntang 80 Kgs
11. New Zoveng	:	Anntang 70 Kgs

Tualeh ZPWF Seminar 2014 Tangpijol P. Churchd a 21st-23rd March a um pen

Thu tuomtuom

01. Zou Synod Year Planner dudngzui in imanaw local china Hattuomte Programme poimaw tah mai thumna toh kisa khawl in!
 - Palm Sunday - April 13, 2014
 - Good Friday - April 18, 2014
 - Easter Sunday - April 20, 2014
02. Lungdampina leh a maban ding thumsahna i Miss. Lunngaikim@ Kimbawi Zomi Colony a um Pu Lamkholal tanu tahpen in kum 2011 in Army Officer Lieutenant Rank ah ana mu hi. Hun bangtan ahiei ana sepnuo in apeisa March 8, 2011 in Captain Rank ah promotion mu hi. Tu leh tu in Udampur ah semlel a, amaban ah Gauhati ah hing kisuon bai ding hita chi uhi. Tunia igen ut pen ahileh Zomi Colony Khanglaite lah ah zong mi kiphal mama ahi. Aman a halaw (Pay) masapen Pasian nasepna in Zomi Colony Building Fund a dingin Rs. 60,000/- (Sang sawmguh) ana pie hi. Tuamai hilou in Taga kepna (Orphanage home) dingin zong ana pang h i. Mangpa’ n amaban asep tou zel na ah Ama leh a inn sungmite atamzaw sem in guolzawlina, chidamna leh lamzanna leh kiphalna tam sem toh umpi tahan; Thupina Mangpa pie un! Kipah ing.
03. Lungdampina leh Thumsahna: UPSC Conduct na nuoi ah Civil Service main exam 2013 Result suoh a, amauhete din thumsah va ui.
04. Densil Ginsuanlal Samte S/o Late Revd. David K. Samte of Thingkangphai.
05. Benjamin - D. Samte.
06. Samuel - Tungdim.
07. Amauhten April 7 apat persoasnal interview pan ding uhi.
08. Lungdampina leh thumsahna: Sebastian S/o Alloisius Nehkhojang of Thingkangphai under 16 years ai aw in Banyer Munich Cup World Final Germany gam a kimawl din selection nga hi. Thangkangphai ZYO panlahna in kipahpina leh hahkhetna vaiguon jang ua, Pu S. Haulienkap in vaidawn thugenna nei in Rev. Hangpi Manlun Moderator (ZPCS) in Pasian kungah thumsahna nei hi. Eimi nam lah mai hilou in Lamka khopi huop sung ah zong tambang hamphatna nga ana um nailou chi uhi. Hun peisa kum 2013 in Pune FC Acadamy ah lut a, khum na pat in India under 16 yrs team a ding in select in um

hi. Ama March 17, 2014 (Monday) chiengin Lamka nuasie tading hi. Aman, agen zelna ah Mid-Fielder leh Right Position ah kimawl ding ahidan gen hi. Thupina, pahtawina leh minthanna tengteng Mangpa pie un! Kipah ing.

05. Pasian in i thumnate hing dawngin Zou Synod huong sung a Hagai a agen bangin eima tenna inn sang a Biehinn hoizawh ding ahi chi theikhietna leh veinatna toh khopi sung hileh singtanggam zaw deu a um ten zong Biehinn bawlausau ua lungdam a huoi mama hi. Hinanleh Pasian biehna ding hiel Biehinn (Church Building) ing bawl chiengin, i galpa Satan kigol nuom mama hi. Pilvang mama kawm in thumpi chiet vai. Jawlnei Hagai 1:8 na ah tu in tang tung ah pei un len sing sui unlen ka biehinnpi lam un a chi achi. Nang leh ken Biehinnpi lamna ding bang isui ei? Kien pha chiet vaui!.
06. Mr. Khamsuonkhai s/o Upa M. Kamzadou, Zomi Colony a um in ETC Aizawl ah M. Th. zil dingin kuon ding hi. Amaban Hattuom leh mimal in thumsah vaui.
07. Mr. Gouginsang s/o upa Goumang Central Church a um in TTS Imphal ah BD zou in tu leh tu in ETC (Eastern Theological College) Jorhat ah M. Th zil lel hi. A dam leh hing zou bai ding hita. Ana thumpi chiet vaui.
08. Tukum Zou Synod huong sung a Class X, XI, XII exam pete Pasian in i thumnate hing dawng in exam ang zaw thei tah man un Pasian kung ah lungdam thu i gen uhi. Maban ah Result hoitah ang nei thei na ding un thu nget pieh vaui.
09. Pasian hoina leh umpi navang in apeisa March 21-23 sung Presbyterian Church Tangpitol ah Zou Presbyterian Women Fellowship (ZPWF) Conference Cum Seminar lawchingtahin zaw ahita hi. Seminar paper late (Resource Person)

1. Nu Vahkholing	2. Nu Veineilam
3. Nu Niangoikim	4. Rev. Stephen Chinzathang
5. Nu Dimkhochin	

 Mangpa'n thupina zousie tang taken!
10. Zou Synod Worker Evangelist a semlai Bhim Prasad tapa Binod Class XII SC. Exam lai damlou in buoi gop hi. I panpi theina pen in thumpi chiet vaui.



Emman Campi

(Lk. 24:6; 13-35)

Emau khuo zuon a nuazui ni apeilai un Jesu shina ziehin a lungliep ua, sil umdante gen in a houlim uhi. Tuachilai in Jesun ahing nai a, akung uah "lamkim a na houlimna uh bang thu e chi?" chin a houpi hi. Amaute damel puo in Kleopa kichipan "Tulai sil umdan zousie thei khalou Jerusalem a hing khuolzin nang bep hi tamal chie izaw! "ana chi hi" Tami mi niten Jesu Khirst khu silbawlthei mama jawlnei khat ahia, Issraelte zalenna pe dinga, a lem-et dan uleh a lamkaite un tha ding a apiehkhet ua, tha ahidan agen ua, tua mai hilou in aluong zong um nawnlou ahidan agen uhi. Van sawltah in athoukiata chiin a puong hi chi zong aza ua, hinanleh gingta lou in a lungkhampi mama uhi.

Jesun amaute kungah athawkia ding thu ama gen banga thoukiata ahidan thute ahil a, Jawlneiten zong agensa ahidan ahilchien hi. Hinanleh tam mi niten atheisiem sih ua, tuachin khuo ang naita uhi. ani un a mit uh hing vah in Jesu Khrist ahidan ang theikhie ua, lam tungtawn a a houlim dante uh ang ngaituo tha uleh a thawkia thu agente ahing theichien tha uhi. Hinanleh tam hun in Jesu amuate mitmu apat amang tahi.

Tuniin Sanggam itte aw, tam mite bang in tam leitung ikuolzinna thawmhau huoitah ah khun tangkhat kisa in leitung siltunge izah chiengin patau in i um khathei hi. Jesu Khsrist hunlai a, asilbawltheinate en ut leh kei a mi tamtahten azui bang un Jesu zong thei manlou khop in a guoljawlnate buoipiin i

ka gen ua, hinanleh Police pan ang panpi malah in “pei mang un” Meghalaya State sung a ID election um ding ahi. Hing lut non sih un achi hi! Kum 2011 November ha in Dhulkot Madhya Pradesh mun ah kakisuon a Mise mite lah ah ka sem pan hi. Khum gam ah Birlala, Bhid, Bhai leh Padi namte teng uhi. Tami munte ah Pasian hing zang in, Pasian ma in sillamrang tampi agam mite lah ah bawl in, natna tampi sudam in, thumna toh hagau gilou nemi a bawlkhe hi. A tawm pen in agam ua ginglou mi 30 in hundamna nga in Baptisma zong tang ngal uhi. Mun tuomtuom a keima tang a ka sepnate toh gawm in Pasian in gingtha tami field ah 180/- val hing pie hi. Kum 2013 in August ha in Assam ah kakisuo9n a, tunitan in Narayanpur (N. Lakhimpur District Assam ah “Missing” Namte khu atamdan (Population) anina ahi. A mi phazat chet thei hisih nanleh

Survey bawl khenhatte mudan in 13 or 14 lakhs bang hi dinga gintat ahi.

Tam mun a Khristian umzat 2% (PC) nuoi ahi nalai hi. Agam mite Hinduism ah akipie ua, akhente Donni - Polo (Sun, moon) Shiva, Shankar, Devi ete bete (Worshiping) bang ahi uhi. A tamzawte luipang ah ateng ua, atenna uh inn min chong house akichi hi. Ama uh ten koima Pasian nasep a dal sih ua, hinanfleh Jesu Khrist Mang leh a Hundampa ding ua pawm na dingin a lungsim uh atah (hard) thei mama hi. Tam teng akiman in ana thum zing un! Aziehpen ama uh ten Jesu Khrist Mang leh a Hundampa ding ua ang pawm thei na ding un, amau te gintatna zieha Jesu min suh thupi ahi theina dingin tami mun ah.

- By Jicoberth Sangma
Narayanpur (N. Lakhimpur)
Assam, FMPB.



TUNNU LIMBEL EXCURSION

*Report by
- Rev Jonathan Nehlian (Leader)*

Amasapen in report pethei dinga damna leh hun pha hing petu Pasian kungah nuomthu tung masa ta hen! Mihingte pen tahsa a hing nalai ihiman in khat vei vei chiengin hagau thu mai hilouin tahsa lam kisuhhalna poimaw zel hi. Tuaahina ah Limbel naupangte'n Imphal khopi mu ut in kiphin phin mai in “Papalian Phai a nang hawpi tei tei ding chi chi mai uhi. Tuachin lamkaite kungah phalna kila in Apaisa 18 Dec 2013(nilaini) in Tunnu Limbel naupangte Imphal ah excursion va kipaipi hi. Jingkal 7am in Lamka kinusie in, K Salbung khohen a thumna mual ah thumna kinei hi. Tuachin Phaipi 9am madeuin kitung tou a, Lamphel a um Upa Ngulkhojam in jing ann toh hing na vaidawn uhi. Pasian in Upapa guoljawl ta hen! Tuachin Takyelpat lam manaw in kitai ngal hi. Ahun tom seng ahiman in mun 6 vel mai va kiphah zou giap a khuo mial pai ta hi. Tuachin innlam hing kidel pai in 7pm vel in Zokhopi Lamka hing kitung kia hi. Inn kitun tun in Pasian kungah kipathu genna kinei kia hi. Naupangten nop sa mama in gen chimthei lou uhi. “Papalian akia chieng zong pei kia ding” chi in gen gen mai uhi. Ava kiphahpina munte ahileh:-1. Ima Keithel) 2. Science Museum, Takyel 3. Shangrila Park, Lamsang 4. Iroisemba Zoo 5. Khumanlampak Stadium 6. State Museum. Tam naupangte Excursion a ding in Pu Khupzasuan, Chief of M. Khaukuol in a Bolero thaw in, Upa S Nangkhanlal (Tulihal Airport) Rs 3000/- leh Pu M. Hauzakam (Contractor) in Rs 1000/- thaw in sponsored bawl uhi. Tambanga naupangte kihuana nei dinga hing phal pieh lamkaite kungah kipahthu ka gen sawn sawn hi. Mangpa'n thupina tang in naupang khotuote zong phungvuo ta hen!



KHRIST SHINA LEH A THAWKIANA IN SIL A BAWL THEI HI

- Upa S. K. Khama



“Tuachia Ama khu thei a, Ama thawkina hing thei in ama thuohthe ka hing thuohpi thei a, shi tanpha a ama ka hing bahtheina dingin” (Phi. 3:10).

Good Friday leh Easter Sunday Programme iman ding uh ahia, tua toh kisai a Sermon ingaikhieh chiet ding uh ka gingta hi. Bang hileh ingaikhieh a izah, isim tualeh ithei thu khat ahia; tuaban ah nei leh kikoppi chi thu khat ahi leuleu hi. Pasian thu in a ngaikhetu mai hilou in athu zomtute hijaw un, achi hi. (Jak. 1:22,25) kal ah zong um thei ahidan akichien a, tuakhu eima kisolna hinkhuo ahi.

Tampia genlou in Jesu shina, thuohna leh amel sietna khu igitnta suh mai uhi. Ama gitlou zieh hilou in midanagte gitlouna puo a, thuohsah, tualeh thaheng a shisah ahizaw hi. Khross thu akichi chiengin Khantanhoi, Jesu Khrist shina leh thawkiana china ahi (I Kor. 1:18; Rom. 1:16,17; I Kor. 15:1-3). Ginna ingnei tahtah chiengin kikhoppina ipha uhi. Abraham leh Pasian kiunauna khu “Lawmta” aphathou hi. Tua khu bangkim kitaang ahi uhi. Khrist a um chi gingta a kitapni china ahi. Mangpa’n suohte kang chi

non sih ding a, lawmte kang chijota ding achi hi (John 15:15). Kang thupiehte na bol uleh ka lawmte hiva uchin, achi hi (14:14). A thu a Jesu toh kikop a, atah a hinkhuo a genthei taga khutdaw banga hatlou leh tasama um nelnul thei ahi.

Amasapen in ginna Jesu shina leh thawkiana ipom uhi. Ei- aa ahileh ei zieha Khross a shi ahi chi igitnta hi. Ama i hundampa ahi, i Mangpa ahi ipom a, akungah thu tut in ikilan uhi. I siemtanna denga mishi lah a kipata thoukia ahi zong igitnta uhi. I pom leh aman zong ang pom chi khu igitntatna leh ikikhoppihna ahi ngal hi. Tualaitah khu ngaidamna, hundamna (John 1:12; 3:16,36; II Kor. 5:17). Hagau a pienthanna in lungsim hinkhuo Pasian deilam in ahing kisulamdang hi. Pasian thu in (Khantanhoi) a sulamdag mite khu suol khu miellah ah a um zing thei non sih a, hinna vah nei in a umta uhi (John 8:12). Hagau siengthou thumangin gingtute deidan, tupdan, hindan asulamdag hi.

Jesu Khrist khu ka Mang leh ka Hundampa ahi chi thei chien in kang piengtha ta hi. Kum 1998 January 4 in ka Biehinn uah Baptisma ka tang tahi.

04. FMPB tungtawna Missionary nasepna Report:

Kang pientha zou in ka hinna ah na hoi sep ding, umdan kilawm leh tendan kilawm a um ding chi theisahna ka mu hi. Hinanleh Pasian na fulltime a sep ding pen ka lungsim ah a um kha sih hi. Kum 2006 August 22 in khumi kum ma October ha in ka Hattuomte un ni 3(thum) daiding Hundamna kithei chien nailou Crusade Psrogramme ang sai uhi. Keizong kava tel zel a, thugentu in Missionary chouna (Challange) ang bawl lai in kei zong Pasian hagau siengthounasepna toh ka hinna pumpi Missionary nasem dingin kaikilankhe ta hi. Khumi masang Government na (forester) kana mu a, kumkhat kana sem man giep hi. Hinanleh Pasian kunga ka thumna ahileh Missionary na sem ding keima ka kuon ding chi ahi. Kum 2009 in Friends

Missionary Psrayer Band te kunga sem dingin kingen in interview ka bawl tahi. Telching a ka um nuo in aki saipi (Agency) ten etchetna ang nei ua Thansi (UP) ah kum khat leh akim training ei pie uhi.

05. Sepna mun (Field) Report:

Kum 2010 September ha in Training ka zaw in Bhule District Maharastra ah sepna mun ding (Field) ei pie uhi. Tam mun ah Barela mipi te lah ah ha 4(li) kasem a, Mangpaa’n khagau mangthai ding mi 10(sawm) sanga tamzawte hinna eipie hi. Kum 2011 January ha in Khaknar field Burhanpur District (Madhya pradesh) ah kaki suon (transfer a, Madhya Pradesh gam a Barela, Kotual, Bihil leh Birlala mite lah a ka sem ia a, hinanleh a gam uh buoina ziehin deibangin ka sem thei sih uhi. Kum 2011 August 30 in kei leh ka seppite nitahlam thumna nei zou in kang kile ua, lamkim ka phah un a khomiten namthu (force) in eina kham uhi. Amite uh Khristian na suoahle uh hing pekhie un chiin chieng in nahpi’n ang zep uhi. Hatangpi a ang zep nuo un, agam ua, police incharge pa kung ah athu umdan

bazar a avapei leh miten atung a tuong Lengpa zatat na toh a sai (elephant) pen nehthei a du dandan in ane pe sausau ua, a Sai zong sangin a jing in Lengpa (King) tellou a Bazar a avapei leh miten phat bawl malah in ana jep uhi. Khum ma bangin nang leh kei zong Jesu tellou a kal isuong

chieng in minsietna, mudana, huotnate kitang zel hi. Tamteng ahiman in heisung ah zong Jesu toh (Any where with Jesus) chi ithupi dingin hileh ka dei hi. Mangpa simtu zousie gasuona leh kisemthana hing petahen ! Sabiltung bang in Mangpan nang leh kei zong ang tulmaw hi.



JICOBERTH CH. SANGMA TESTIMONY TOMKIM

01. Innkuon umdan: Report

Min	:	Jicoberth Ch. Sangma
Pamin	:	Phamsa Hanarson Mazak
Numin	:	Nirmala Ch. Sangma,
Sanggam	:	Passal 2 leh Numei 1

Ka gammgam Upaben in ji neita; Ka sanggam Numei pen in MBBS zil nalai. Min Mr. Garo Scheduletribe Education: BA Pass at Tura Govt. College 2008

02. Pulahna: Ka neu apat Khristian innsung ah kana pieng hi. Ka naupan apat Biehinn kai kana lunglut mama hi. Ka hing khanglien deudeua, Biehinn kaite ka hing topsan a, ka hinkhuote khovel nunnopte enla in, lawm hoilou toh kana kipawl hi.

03. Ka pienthana: Ka naupanlai

apat ka hinkhuote khawldam theilou in, det theilou hi. Kum 1997 December ha in ka Biehinn uah Hattuomte panlahna toh hundamna chielpi (Crusade) kanei uhi. Khumnah Speaker pa thugen in ka lungsim ngaituona ang sukha hi. Ka ngaituonate buoigop in Satan leh keima kikal ah ki buontuo hi. A topna ah

A SHINA TOH KITUOH TOU ZEL: Rom 6:2 ah “Eite suollam a shisate” ana kichi hi. Tang 4na ah hinna thah a ihintheina dingun ama shina ah Baptisma in ama (Jesus) toh vui in i umta uhi, chi isim uhi. Tang 5 ah, ashina a kipata ama toh ikizoptah uleh, athokiana kibatpi in zong ikizop ding uhi, achi kia hi. Kolosate 3:3 ah na shita ua chi isimta ua, Jesu shina kitanpi, kikoppina khu ahi pen hi. Kilbehin ka umta Paul in achi thei hi. (Gal. 2:20). Gal. 6:14na isim leh hinanleh keivangin i Mangpa Jesu Khrist Khross chiloungal ka suong sih ding hi; Ama ziehin Vannei kei a dingin kilbeh ahita a, kei zong Vannei a dingin kilbeh kahita, achi hi. Suollam a shina, Vannei toh kikhenna khu kikoppina dihtah ahi. Tua ka hin khu kei ahi nontalou in Jesu Khrist khu keima a hing ahita (Gal. 2:20). Jordan lui a suong 12 phutin thei zingna Joshuoin abawl a, tualeh Gilgal ah suong 12 ma lim (phutin) theizingna abawl uhi. Tuamin suollam a shina a gingtuten Jesu shina iki koppina khu a ensah a, tualeh Pasian lam a thumang tah a i um na uh zong a ensa hi. Hinna dingin ishiphot uh angai hi. Na shikha tai? kingai sut in.

THAWKIANA SILBOL THEINA:
Gilgal khu Jordan luigallam a

munkhat ahi. A umzie khu “Kiliamang” china ahi. Tuakhu Jesu thawkiana etsahna ahi. Gamtha ahia, annthah (leiga) nehna gam ahi. Galsatna gam ahia, ginna guoljawlna gam-bawngnoi leh Khuojju luonnna gam ahi. Jesu hinna tanghou khu neh ahia, hagau siengthou tuihing lui khu dawn tai (Lungkim) ahi. Hagau a dim khu Jesu ei a ahin solna ahi. Tua hagau siengthou hinna vah kitaangdoh khu Jesu kilawmna leh loupina ahil. Hinna tampi nei (John 10:10) tualeh ga tampi a ga (John 15:8,9,10,16). Khu shi a thoukia Jesu Khrist hinna hagau siengthou in aluo dim silbol theina kikoppina gasuo ahi. Mittui luongpum a thum, Khantanhoi gen, hagaute Jesu kunga puilut van mipite kipahna tua leh gingtute kipahna pen ahi.

Agim thuohna kikoppi:
Khristian gingtu (Piengtha) koi ahei khangtou mama leh Jesu toh shikhawm Jesu toh hingkhawm, khawvel lam a shi tualeh ama a Jesu hing muthei pai in a um ua; tuachia Jesu hinna ama a alathei na dingin Jesu shina nichin a puo khu ahi ding. Jesu kimusitna thuohpina leh sawina in akhen shi ding hi (Heb. 13:13; 3:12).

(Mangpa'n simtu zousie vangbuoh tahan).



SHISAN MANPHATNA LEH SILBAWLTHEINA

-Rev.Jonathan Nehlien,
Contributing Editor

Laisienghou sungah “shisan” kichi thumal 447 vei hiel tuong hi. Kross tunga Jesu shinain mihingte khelman abawn in ape zou ta hi. Khovel mite khelna sawpsieng ding leh pomang dinga hing luongdoh Jesu shisan,mihing pilnain abat zoulou,a gingtate a dinga kumtawn hinna,nang leh kei khelna jieha Ama khelna neiloupi khiel banga hing um chipen koie lamdang salou ding? Shisan pen mihingte dinga hinna petu ahbanah tahsa damtheina dinga nasep tamta anei mabangin Jesu shisan in zong I tahsa leh I hagau a dingin manphatna leh silbawltheina a neia tuate aban ban in i tahlang ding uhi:-

1. JESU SHISAN I DAMNA LEH HATNA AHI:

Doctorte gendan in mihing shisan khu asan (red) ngen hituon lou ahi, chi uhi.Tualemahin tui siengkilkel “plasma” kichi tamta um in tuapen 92% vive ahi chi uhi. Tualeh 8% te khu tahsa damtheina dinga poimaw, proteins,hormones,vitamins leh adang dang hi in gen uhi. Tahsa a natna alut chiengin, WBC kichi (white blood cells) tamta in ang punga, tua natnain tahsa asuhkhahna munte ah va lut hi. Jesu shisan in zong Ama(Khrist) tahsa (hattuomte) tungah a damna ding un tuabangin na sem ahi. Satan in baasah tup a natna leh gentheina chinteng toh ang ziel tahtah chiengin Hagau Siengthou zong eite panpi ding leh damsah dingin ana ki man zou ta hi. Mangpa’n i Hagau damtaha aum zing ding khu adei pen khat ahi. Ama toh kipawlkhawm a kinaitah a umte damthei in a hagau hinkhuo uh zawngkhal ngei lou hi. Hinanleh Ama toh kizopna hoi nei loute vang dammaw zing mai uhi. Satan in cha’u leh baa’taha ium ding khu atup zing khat ahi. Khristian hinkhuo ah “...Mangpa leh a silbawltheina a hattah a ium ding ahi (Eph 6:10). Chaauna, lungkiehna leh baasapna ang um theina khu Giloupa a hing kipan, ama buluna (attack) hinuom mama hi. I baa hun chienga Mangpa a hatna inga thei zel uh khu ahi. Hagau Siengthou puihuoia ium zingleh vang Dawimangpa bawlsiem dante I dou zou dinga, Khrist hatna za’l in zoutu ihi ding hi. Mihingte zong i tahsa damtheina dinga poimaw nehle dawnte leh khawldamna (rest)

PALM SUNDAY SERMON

T. Ginzahau
I/C Khristian Tangkou

TOPIC: Mangpa’n a tulmaw ahi. Matheu 21:1-9 Laisienghou “Na masang ua khuo ah vapei uh lechin sabiltung nou a pi gei a kihen muva uchin, hing sut unlen ka kung ah hing kaita un, min ang doh ua ahileh Mangpa’n atulmaw ahi chi leh uchin hing kaisah tave un achi hi’. Bang dia Jesu tuo nna dinga Sabiltung (mule) kijang sese e? Laisienghou siemten Sabiltung pen Sagelda, sagilou ahi chi uhi. Etsahna’n loukaina dinga Lawi/Bawong jang ding ten alah masah ua, training a pieh masa uh ahi. Hun bangtan ahei alah zou chieng un atahsa zong zoi gop in thunun mama ta uhi.I Laisienghou siemten Lah nailou sabiltung tunga atuon thei pen, I Mangpa Jesu zong mihoite sui a hing pei hilou in, mikhielte suia hing pei ahina a ensah hi. Tamteng ahiman in Sabiltung tung Jesu a tuonna anem zot bang in, nang leh kei tungah zong Jesu tuongsah lei ihinna ki heng lamdang mai ding hi.

JESU LAMDONNA: Jesu Sabil tung nou tung a atuonlai in mi honpitlen lampi ah apuonte uh pha Jesu ana lamdon uhi. Apei mi honpitlen David Tapa Hossana Mangpa min a hing pei khu hampha tei me izo Tungnungpen a Hossana chiin akikou uhi. Tamna Hossana umzie Mangpa hing hundam in china ahi. Tamnah zil ding tampi um hi. Mangpa’n Sabiltung Sagelda atulmaw bangin, nang leh kei mikhiel shiding zong a hundam a huong a hundamna tang ding ang dei a, Ama nasem din ang dei a Ama Khantanhoi gen ding zong ang dei hi. Ama phat ding leh pahtoi ding ang dei a, ama sepban sem din ang dei hi. Mihonpitlen Jesu lamonna ding a puonte uh pha a Jesu a lamdon lai un, nang leh ken bangtoh ilamdon ei? Silpieh ahilou leh inei ilam toh ilamdon amah? Kingaituo pha vau. Atopna dinga ah tangthu khat gen lei ni khat lengpa khat Sai (Elephant) tungah tuong in

Reports**A 1vei Anngawl thumna**

Singngat District PWF te panlahna toh apeisa February 21-22, 2014 sung in Zoukhonuom Presbyterian Church ah Anngawl thumna akinei a Pasian hagau pawlna toh lawching taha zaw ahi. Thupina Mangpa'n tang hen!

A 2vei Anngawl thumna

Singngat District PWF te panlahna ma in April 4-5, 2014 sung in Presbyterian Church Muvanlai khu ah Anngawl thumna Pasian hagau pawlna toh lawchingtah a zaw ahita hi. Mangpa'n thupina tang hen!

Report petu:
- Rev. Kaimuonlal Biel Pastor

Tunnu Limbel Excursion

i taahsap chiengin i tahsa hatlana ang kipan thei zel hi. Pasian mite a dinga dammawna lienpi hing kipat theina khat kia ahileh kienchien masa lou pia Mangpa i pawl zel zieh ahi.(1Cor.11:24-30). Mangpa sacrament i saan chiengin Hagau a Ama toh I kipawlna ensah hi. Khrist shisan dawna atahsa i neh chiengin guolzawl in ium ding uhi. Ama ah damna leh hatna i nei ding khu Mangpa thuchiem ahi. Mangpa lampi zuiloua eima ut dan dan a I kalsuon chiengin I hagau damtheilou hi. Shisan a natna chi khat "leukemia" kichi ang kipat dan tambangin gen uhi. Tahsa a WBC kichi (white blood cells) ang pun tahuot chiengin kipan zel chi uhi. Tuamabangin gingtute hinkhuo a zong Pasian douna silte ing bawl tamtah luot chiengin I "hagaulam leukemia" kivei himai hi. Tuachin cancer in tahsa anehsiet bangin i hagau hinkhuo nesie hi. Hinanleh Mangpa'n tambang natnate apat I suotat theina dingin lampi hing bawlsah zel hi. Ama kunga kituhlut a thuum ding khu i damna ding umsun ahi. 1Sam 15:23 "...loutalna khu bawlkhelna leh milim biehna toh kibang ahi. Mangpa thupieh na pampai ta'h jiehin Ama'n zong ang pai khe ta hi...." Hagau leh tahsa damtheina dinga Mangpa kunga ium zing banah Ama toh ikipawl zing ding ahi.

2.JESU SHISAN KUMTAWN A I HAGAU HUNDAMNA AHI:Tahsa hinna dinga shisan a poimaw bangin Jesu shisan in eite hinna ang pie hi.(Gen. 9:4). Mangpa Jesu theiloute khu mishi amau a hinna umloute ahi uhi. Mangpa pom nuomloutein zong bangchihtanin hinna anei ngeingei sih ding uhi. (Jn 6:53,56). Hinna toh kisai khalou pouma Mangpa akipan a hi sih hi. Shina leh damlouna khu mihingte melma ahi. Jesun John 10:10, ah guta khu gu ding leh suse dinga hing pei ahi. Hinanleh keima hinna aneina ding uleh hinna kiningching sem a neina ding ua hing pei ka hi a chi hi. Khrist hinna kitaanpi a I pom sihleh agaa khu kumtawn shina ahi ding hi. Hindan ngeina ah shisan tahsa apat abei chienga hinna abei bangin Jesu shisan lut louna Hagau pouma tuabangin a hinlai pet in zong a shisa a hi ta uhi. Jesu shisan a ginna a i inkuonte kunga zong hundamna tut thei hi. Hundam nailou iit leh ngai inei khah leh tua Izip a gan shisan akinu a Israel mite'n hundamna anga bangun hundamna um thei hi. Ginna zal in Rahab in puonsan akhai a tua khu Khrist shisan etsahna ahia, a inkuonte zong

hundamin aum hi (Jos 2:18). Thuhunthah a Phillipi jail ngahtupa kikou khiein Paul kungah, ..hundama ka um thei na dinga bange ka bawl ding ? achia Paul in Mangpa Jesu Khrist gingta lechin nang leh na inkuon teng hundam in na um ding achi hi.(Acts 16:30-31). Kornelia leh a inkuonte zong a gintat jiehun hundam in aum uhi. (Acts 11:14). I iit leh ngaite a dinga tam shisan thuhun nasep theina dinga I bawl thei ding khu bang ata diei? Amasapen a i hinkhuo khu Pasian a dinga I kipumpieh ding ahi. Tuachi'n Mangpa kungah tut in Ama'n ang pui lut ding chi gingta kawm in Pasian khut ah ngain ginlanate beisahin Jesu'n gingtaloute a hundam ding chi i gingta ding uhi.

3.JESU SHISAN I KHIEL NGAIDAMNA AHI: Tam ka shisan noute a dinga thuhuntha ahi mitamtahte khel ngaidamna dinga hing luongkhie khu ahi.(Mat 26:28). En un Pasian Belmnou, khawvel khelna pomang pa khu,(John Baptist) in a chi hi. Thuhun Lui hun ah mi khat a khelna jieha ngaidam ahina dingin ganta kithat in, gan shisan a luo'n poimaw hi. Tambang sil kibawl khu bang zieha Pasian in poimaw sa adiei ma chia lamdangsahna zong um kha va ahishleh bangma mawna neilou gan shisan leh vapaalte bangzieha kithat a, a shisan te uh maitam a kithejeh e? Mihingte'n khelna anei chieng ua tua khelna pen mawhna a bei mai theilou ding ahina ah, sil khat ahishleh koi e khat ashi ngai ding chi etsahna a Pasian in tambangte a bawl ana hi ahi. Tulaihunah Thuhun Lui lai banga Mose dan zui ding hitalei I khelnate jieh ua belam tha ngai ding ahi manin tambang sil pen sil hamsatah ahi ding gintat aum ta hi ajiehpen khelna nei mi khat zieha mawna neilou ganta shisan aluon ding pen koima'n bawl ngam lou ding hi.Tuajiehin Mangpa'n eite ang zilsah ut pen ahileh khelna jieha hinna khat tei a kithoina aum tei ngai ahina khu ang etsah utpen tah ahi. Mite'n maitam a vapaal tha dinga ang tawi chiengun khelna khu bangzataha poi ahiei chi tua mite lungsim leh ngaituona ah hing kilang thei hi. Khelna in kithoina a poimaw zing ahi. Tunihun in I khelnate I puon ua ahileh Pasian Hagau in tua khelnate apat suhsieghou theina tha anei hi. Jesu khu lei kisiem tuunga pat ana um gawsa Belmnou, Ama shina leh shisan luonnain i khel man uh khu khatvei thu leh bangchihtan a dingin mizousie

kross tunga khaikanga um atahsa a I khelnate teng teng apuo a, abawnin I khelman ang piehsah ta ahi (2 Pet 2:24). Siammaw tansah in ium ta sih ua Khrist a dihtatna toh i hing ta uhi. I pientha zou un Khrist dihtatna i kitanpi ta uhi.(Rom 8:1;5:9).

14. **JESU SISAN PASIAN TOH I KILEMNA AHI:** Tualeh ama jieha Pasian in bangkim toh kilemna a nei khu a lunglamtah ahi a leitung a um hi in van a um hitaleh a Kross shisan jieh in kilemna ahing siam ta hi(Col 1:20). Lungmuonna neilou mitatsie ina hi uhi (Isa 48:22). Hinanleh Jesun a shisan a ang tat zou un hundam i hita ua,Pasian toh I kilem ta ua Jesu Khrist ah Ama toh ikilem ta uhi (Rom 5:1; 2 Cor 5:18).
15. **JESU SISAN IN EITE ANG TANDOH HI:** Hepina ahau dungzuiin a shisan a tatna khu tang in I gitlouna te uh ngaidamna khu I tang ta uhi. Eph 1:7 Khiel hina ah Diabol tate ina hi uhi (1Jn 3:10). A shisan zal in Jesu'n Diabol akipat in ang leikhiea a tate dingin ang siem ta hi (Jn 1:12).

Tambang lawm a thupi leh loupi, Jesu Khrist shisan khu manpha leh silbawlthei ahi mai hilouin Jesu shisan panglouin hundamna um theilou hi. Hundamna tungtawn a phattuomna za'l zong ki zou thei lou hi! Jesu shisan manphatdan leh a silbawltheina theisiem a tua shisan silbawltheidan gintatna tungtawn a hatna,hansanna leh Melmapa tunga zawna hinkhuo nei thei dingin Mangpa'n athu guolzawl ta hen!



ta uhi. Ama toh I kipawlkhawm mai hilouin a silbawltheina leh a thuneinate zong I kitanpi ta uhi. Athu gen theina tha inei ta ua, Jesu min a I thuum jiehun I thuumnate uh dawn in aum ngei ding hi. (Rev. 12:11;Jn 15:7).

- 10. JESU SISAN IN I SIELEPHATHEINA CHIIMSAH HI :** Khrist shisan kunga nuolbanglou,kumtawn Hagau jal a kilaan khun,nasep shisa akipat khun,a sielephatheina uh khu Pasian hing nasem dingin bang guolin a susienghou ta diei ? (Heb 9:14). I sielephatheina uh khu hundam ihi ma un gitlou huoi ngen in adim ahi.(Heb 10:22), sielephatheina suhbuoh a um in(Tit 1:15). Jesu I kisaan nuo un shisan zal in khelna apat sielephatheina chiimtah nei dingin Pasian in ang susienghou ta uhi.(1 Pet 3:16).Tuin bang hun ah tua gitlounaten ang suh buoi tup hunah, a shisan tungtawn in Pasian Ama na I sep theina dingin I seilephatheina a hing susienghou thei hi.
- 11. JESU'N A SISAN IN A HATTUOMTE A LEI HI:** Pasian hattuomte a shisan a aleisate vah dingin,noute leh na ganhonte tung ah pilvang un Hagau Sienghouin amaute entup dinga ang koi uh ahi ngala (Acts 20:28). A hattuomte lei na dinga luongdoh Jesu Shisan khu Pasian Shisan ahi chi i thei ei ma? Ama khu, Pasian Hing, tahsa phe mihing lim leh melpuo a eite kunga hing kilang khu ahi! Ama'n eite ang leikhieh ahitah manin (1Cor 6:19,20) ama thupina dinga na i sep a, sil i bawl ding khu i mawpuohna uh ahi.
- 12. JESU SISAN PASIAN LUNGDAmsAH HI:** Shisan jieha thuphatawina hi ding leh ginna tang dingin Pasian in aguot a,Pasian in adihna tahlatna dingin,a zangaina jiehin nidanglai gitlounate akitheimaw bawl jiehin. Eite zousie hundam ihi masangin Pasian lunghahna i tung ua um a hi ta hi(Jn 3:36). Hinanleh Jesu Shisan luongdoh a i ginna uh I ngah chiengun, Pasian lunghahna adaaai ta a, a lunghahna apat in hundam in ium ta uhi.(Rom 5:9), Rom 3:25,.
- 13. JESU SISAN I SIAMTANNA AHI:** Tuachin a shisan a siamtansah ihi nuo un Ama jieh main Pasian lunghahna a kipat in hundam in ium ngei ding uh. Ama shisan jieha siamtansah chi in agen ut pentah ahileh I khelna jieh ua eite etpatep aum ihita ua hinanleh aman sing

a dingin ana pe zou ta hi. Tuin Ama'n silbangkim ang bawsah tah ziehin I khelna zieh ua ganta a kithoinate tunihunah poimaw nawn lou hi.(Heb 10:6-9).

- 4. JESU SHISAN I SIENTHOUNA AHI:** A mite a suhsieghou theina dingin khop i kotkhah polam ah athuoh ta hi (Heb 13:12). Tamna suhsieghou chi in Pasian mi zah khat ahi theina dinga suhsieghouna leh tuomkoi china ahi. Tuami ahitheina khu Jesu shisan zieh ahi. Khristian tamtaa ana thattu Saul khu bang chi dan a Paul hing suoh theia, Pasianin Thuhuntha a laibu tamtaa geltu leh Asia Minor gamsunga hattuom tamtaa phutkhetu leh hagau mangthai tampite Jesu kunga a pui lut mihing khat ang suo sah thei ama? Tahsain suhsiegnna a poimaw bangin I hagau hinkhuo zong kisuhsiegnna poimaw hi. Hagau sienghou in I khelnate ang kitheisah chiengin kisierna nei a ikhelnate I puonkhieh a suhsiegn ihi khu Pasian dei dan ahi. Mangpa suhsieghoua ium ding leh buoina hun ah Ama a iki pumngah ding ahi(2Tim 2:21-26). Jesu shisan in I tahsa asuhsiegn mai hilouin I lungtang leh ngaituona a gitlou huoitah umte Ama Khrist lungtang i put theina dingin ang susienghou zel ahi.(Heb 9:14) Tambang suhsieghouna pen Pasian thu i zahte I hinkhuo a bawzuina ah hing kipan ding hi. Tuin noute ka thugente tungtawn in na sieng ta uhi (Jn 5:3). Jesu toh kipawlkhawm zingna leh athu simzingnain ang susienghou thei zel hi. Athu I thei sem sem a I hinkhuo a I bawzui pai pai in chiengin zattah leh sienghou ihi thei ding hi. Mangpa Jesu'n a shisan a pedoh a tua khu sil dang zieh hilouin nang leh kei suhsieghoua ium na ding leh zattah leh sienghou I suo theina ding ahi. Jesu Shisan in eite ang susienghou hi..
- 5. JESU SHISAN I TAHSAP ZOUSIE PETU AHI:** Shisan nasep dangkhat ahileh tahsa adinga poimawte tahsa bahieng dang zousie a pieh thei khu ahi. Jesu shisan in eite ang leikhieh apat in Hagau tahsap leh poimaw zousie tuanah imu thei uhi. Pasianin athu tungtawnin eite ang vah(feed)a, hamuonna i poimaw hun ah athu tungtawn in hamuonna thu ang pe zel hi. Hagau Sienghou khu Hamuongt ahijiehin I Hagau lungmuonna ang pe zel hi. Ama a ikituhlut chiengin

Aman athuin ang vaah dinga tuachin Hagau ann a kivah in i khang tou zel ding hi. Thutah leh hinna eima a aum zing theina dinga Jesu a ikingah zing poimaw hi. Tahsa damtheina dinga exercises a poimaw bangin hagau hinkhuo a zong kisawizoi zing poimaw hi. Biehinn kai maimai ahuntawh ta sih a, Pasian thu thei mai a huntawh siha, athu itheite khu hinkhuoa puohdohna a poimaw hi. Mi tamtahin thu angai zing ua, thu ngai ngai maiin ahialah a hinkhuo ua bawzui ding ngaituona umlou thei hi. I thuzahte khu zah(apply) bawl ding ahi chi thei zing ding ahi. Athu khu a zatu mai hiloua a bawlta zong hi dingin thupiehin ium zou ta uhi.(Rom 10:17,James 1:22).

6. **JESU SISAN I KHELNA SAWPSIENG TU AHI:** "... a Tapa shisan in I gitlouna zousie ang sawp sieng pieh zel hi."(1Jn 1:7). Khelna i bawl chinin i tahsa leh i hagau suhbuoh in aum zing hi. Tua buohna apat i tahsa leh i hagau suhsiang ahina ding lampi sui ngai hi (2Cor 7:1). Tuabang hasatna enkol dinga Pasianin Jesu shisan khu eite ang pieh ahi. I khelnate sandup bangin san nanleh vuo banga vamsah dingin thu chiem hi (Isa 1:18). Vuo banga vamsah tu khu Jesu shisan ahi. Shisan in tahsa damtheina leh hinna apieh bangin Jesu shisan in zong Ama(Khrist) tahsa ngei damsah in hinna apie hi. Tahsa dan a shisan nasep dang khat ahi kialeh tahsa susiengtu ahi. Tambangin Jesu shisan zong eiten Jesu kung I nai theina ding leh, I zot thei na dingin ang susiengthou hi. Mangpa a dinga ihin zing laia khelna pat I zalenna dinga tambanga suhsiangna nasep pen nichin hinkhuo a poimaw leh kuul, khawl lou a peitou zing sil ahi hi. "...Jesu Khrist a tapa shisan in I khelnate apat ahing silsieng ta hi."(1Jn 1:7-9).
7. **JESU I GUOLZAWNA AHI:** Khrist sepsa tungtawn leh eite a dinga a shisan a luonna ziehin Satan tungah zawna i nei thei uhi. (Rev.12:11). Jesu shisan in a sepsa tungtawnna gintatnain zawna ang pe ding hi. Jesu shisan a ginna, belamnou leh athu gen theinate mai

khu Satan tunga zawna dingin ahuntawh siha, Khrist thuohna zieha shi ngam dinga I hinna phal khop a I kipiehdoh ding uh kuul hi. Tamtana kipiehdohna I nei lou chiengun, ginna ah bang chi bangin haat kisain athu thei kisa nanlei lamkaal ah I taaise thou thou ding uhi. Zoutu hinkhuo nei na dingin kipumpiehna a poimaw mama hi. Kipumpieh loua i kimkhat mai kipiehnain lawsapna atun ding ahi. Heisung hinanleh Mangpa'n ang deina muna pei ding utna aum masah ding angai a, Khrist a ding ahipouleh ta'n ngam ding khop a lungsim ki mansa um ngai hi. Mi khenkhatte zawna hinkhuo neitheilouin aum leng uhi. Zawna hinkhuo nei na dingin nichinna I tahnami'tna Kross a i khetbeh a sil neupente apat sil lienpi tan a Mangpa thu i man ding china ahi.

8. **JESU SISAN I KIHUMBITNA AHI:** Tahsa damtheina dingin bitna apoimaw a tua venbitna nasep khu shisan in sem kia leuleu hi. Venbitna khu shisan nasep leh phattuomna dang khat ahi I chitheina san ahileh shisan khu insung ahisihleb ba'ng(wall) lah vela theza'h ding china lampang hilouin tua shisan in eite dinga na ang sepsahna ah ginna nei ding china a hizaw hi. Shisan khel lamah ginna poimawna khu a genna a hizaw hi. Jesu a ginna i nei leh silbawltheina in azui ding a china ahi.(Exo.12:13) Izip miten Israel tate a pawt sah lou bep un gawtna athuoh ua, thattu vansawlsieng apat abitna dingun Israelte kungah belam that a, akot tung uleh akot bieng ua a shisan anu ding un thu pieh ahi uhi. Tuachin shisan umna kotbieng pouma kaan in auma a asuohta hi. Tua khu Pasian gingta a athupieh a man zieh uh ahi.
9. **JESU SISAN IN PASIAN TOH ANG KINAI SAH HI:** Tuin vang Khrista Jesu ah nidanglai a gamlapia ana umte khu Khrist shisan vangin suhnai in na hing um ta uhi (Eph 2:13). Hundam ihi ma un Israelten Pasian toh thuhun ana bawl ua pat gamla ina hita ua, tam khovel ah lametna I nei nawn ta sih ua Pasian eite ah aum ta sih hi. Hundam ihi tah un Khrist shisan in tua thuhun thuchiem ah ang puilut ua Pasian toh umkhawm lou hinanlei Ama kungah ang pui nai ua I hinkhuo ah kinepna nei masapente hi ding in ang bawl ta uhi(Rom 8:24). A Shisan zal in Ama kung hangsantahin i zuon thei

Edited and Published by the Editor on behalf of the Zou Presbyterian Church Synod

To



The Editor
Khristian Tangkou
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail:zpcs@rediffmail.com/zousynod05@gmail.com

Undelivered
Please return to:

Synod thu-le-lana thei ut leh
"JOIN Khristiantangko"
chiiin 09219592196 ah SMS thot in

A Monthly Christian Magazine
An Organ of the Zou Presbyterian Church Synod



Khristian Tangkou

Vol. 50 || No. 04

Suopat kum: 1964

APRIL, 2014



Editor: REV. TUALZACHIN

Kchristian Tangkou

Vol. No. 50 || Issue No. 04 || April, 2014

Editorial Board

Editor : Rev. Tualzachin - 9862829626

Joint Editor : Rev. Stephen Chinzathang
- 9863042789

ct_stephen@yahoo.com

Cir. Manager : Mr. Jamsiamnung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S.K. Kham - 9856406454
Rev. Awnkhankhup - 9862828921
Rev. M.G. Nehlien - 09535042257
Rev. Kaimuanlal - 9862923960

ZOU SYNOD ULIENTE

• Moderator:

Rev. Hangpi Manlun

• Moderator Elect:

Rev. P.C. Manga

• Secretary Sr.:

Upa Khupsuankham

• Secretary Jr.:

Upa Ngulchinkham

• Treasurer:

Upa T. Lamkothawng

• Statistician:

Upa Suankhanmang

• Exe. Secretaries:

Rev. Tualzachin

Rev. Stephen Chinzathang

Copies - 1000

AMAN

Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1000/-
Patron Member Fee	- ₹	2000/-
Memorial gift	- ₹	2000/-

A sung thu

01. Editorial.....01
02. Thu tuomtuom.....02
03. Saul kichi Paul.....04
04. Sienthouuna Lamlien09
05. Pasian tapa enkol dia12
06. Silpieh a Pasian nasepna ... 15
07. Naupang kep dan.....18
08. ZPWF Column.....21
09. Suunna.....22

PATRON MEMBER-TE

1. Upa Gouzamang
2. Pu Hav. Khamchinkhup
3. Pu Khamzalam
4. Pu Chinzasuan
5. Upa Liansuanpau
6. Pu Khamchinthang
7. Pu S.Dalhang
8. Upa Kapkhanthang
9. Upa Langginmang
10. Pu S. Nangkhanlal
11. Pu S. Lamkothang
12. Upa Dr. M. Lachinkhai
13. Upa Khamchinjam
14. Upa (L) D.K.Manlun
15. Upa Suankhanmang
16. (L) Upa Khupgou
17. Upa Chinkham
18. Upa Ngulchinkham
19. Rev. Retd. V.Vungzalian
20. Rev. Kamkhosoi
21. Rev. Tualzachin
22. Rev.(Rtd.) H. Nengzatun
23. Rev. Awnkhankhup
24. Rev. Hangpi Manlun
25. Pu Tuazapau
26. (L) Rev. Ginjinjam
27. (L) Rev. Khamzasuan
28. Upa T. Lamkothawng
29. Pu Khaichinmang
30. Rev. Chinzathang
31. Pu Khupkhanmang
32. Pu Khaidohlian
33. Hav. Khamzahang
34. Pi Vungzuanum
35. Pu T. Gouzadou
36. Pu Liensuonkap
37. Pi Zelkhochiin
38. Pi Hatkhanvung
39. (L) Pi Ngaihoiching
40. Pi Mankhannieg
41. Pu Goukhanmang
42. Pi Chingzalam
43. Pu S. Thianzakhai
44. Pi Kamkhanching
45. Pu Haukhanpau
46. Pu Tuallianmang
47. (L) Pu Dongkap
48. (L) Pi Chingkhanmang
49. Pi Donkhonian
50. Upa Henzakhus
51. (L) Pu Saichinpau
52. Pu Goumang
53. Upa Khamkhanhang
54. Shie Laangkhanlal
55. Pu Khamkhanlun
56. Upa L. Tualkhanpau
57. Pu Jamsianmung
58. Upa Ginzadong
59. Pu Kaizathang
60. Pi Goizanuom
61. Pi Thangneivah
62. Shie Khamzathang
63. Pi Donchin
64. Upa Liankhanmang
65. Pu Hauchinlun
66. Pu T.S. Lal
67. Pi Goichiin
68. Pu T. Khupchinthang
69. Pu T. Kaizalam
70. Pu Paul Henkholal
71. (L) Pu Soikham
72. Rev. P.C. Manga
73. Rev. Khamchinkhai
74. Rev. Jamlianpau
75. Rev. Chinzapau
76. Rev. Kamkhosam
77. (L) Upa Chinpu
78. Pu Zamkhanthang
79. Pu Chinglen
80. Miss Chinhaunieng
81. Upa P.K. Soia
82. Pu Goukhai
83. Pi Niangkhanmang
84. Evan. G.L. Joshya
85. Pi S. Chingkhanmang
86. Pu Vumchinkhup
87. Upa Khaihenthang
88. Upa T.C. Pau
89. Upa Nengchinkap
90. (L) Upa Jamkhongam
91. Upa HT Manga
92. Mrs. Vahkholhing
93. Pu Hauliankap
94. Pi Chinnu
95. Pu T. Kuppa
96. (L) Upa T. Gougin
97. Pu Ginsuanhau
98. Pu L. Langminthang
99. Rev. David K.Samte
100. Upa T.S.K. Samte
101. Upa S.K. Kham
102. Pu Jamkhopao
103. Pu Thathang Taithul
104. Pu Kamkhankap
105. Bhim Prasad
106. Rev. M.Kapsuanthang
107. Nu Chingneikim
108. Rev. Khupkhansuan
109. Pi Mannuamching
110. Pi Chinnu
101. Pu Hauliankap
112. Nh. Deborah Zou
113. Pu Kamgenpau
114. Rev. Mangsuanthang
115. Pu Lamchinhau
116. Upa Pauchinlel
117. Kimneihoi
118. Nh. Nianguanuam
119. Rev. Kaimuanlal
120. Upa Nengkhanlian
121. Nu Ngaikhhanvung

LIFE MEMBER-TE

01. (L) Upa T. Khupkhenpau
02. (L) Pu M. Ginzahau
03. Pu Selzapau
04. Pu L.C. Pautungnung
05. (L) Pi Khamkhanieg
06. Pi Ngainuom
07. Pu Chinsuanthang
08. Pu Shanti Kumar
09. Pu Kamkhanhau
10. (L) Pu Khamkhanhau
11. Upa Khamzathang
12. Upa Chinkhanthang
13. Pu Tongzathang
14. Pi Chiinneilam
15. Pu Kulthang